



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Broj: 10-37- 15502-54 /19  
Sarajevo, 09.05.2019.godine

SKUPŠTINA KANTONA SARAJEVO  
-Služba za Skupštinske poslove-

PREDMET: Odgovor na zastupničku inicijativu-dostavlja se

Zastupnica Jasmina Bišćević-Tokić, na 7. Radnoj sjednici Skupštine Kantona Sarajevo, održanoj dana 17.04.2019. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenula je zastupničku inicijativu prema Vladi Kantona Sarajevo i Ministarstvu zdravstva Kantona Sarajevo „za uvrštavanje lijekova za snižavanje temperature kod djece (Antipiretika) na pozitivnu A listu koja se finansiraju 100 posto na teret sredstava obaveznog osiguranja, odnosno koje stanovnici KS-a neće plaćati i dobijati će ih na recept”.

U vezi sa pokrenutom zastupničkom inicijativom, Ministarstvo zdravstva Kantona Sarajevo dostavlja sljedeći

## ODGOVOR

Zakonom o lijekovima („Službene novine Federacije BiH“, broj 109/12) je utvrđeno da Listu lijekova obaveznog zdravstvenog osiguranja Federacije BiH (A i B lista lijekova), donosi Vlada Federacije BiH jednom godišnje, te da lijekovi sa A Liste lijekova, obavezno ulaze u sastav pozitivnih Listi lijekova Kantona Sarajevo, dok se B lista lijekova formira u skladu sa raspoloživim sredstvima. Navedenim Zakonom nije dozvoljeno proširenje liste lijekova, odnosno definisani su uvjeti koje treba ispuniti u slučaju proširenja pozitivne liste lijekova kantona.

Lijek paracetamol iz grupe „N02B Ostali analgetici i antipiretici“ nije uvršten u Listu lijekova obaveznog zdravstvenog osiguranja Federacije Bosne i Hercegovine, te samim tim nije moguće uvrstiti ga u pozitivnu listu lijekova Kantona Sarajevo, iako se radi o lijeku koji se jedini može koristiti za uzrast ispod 12 godina starosti u stanju pireksije.



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243

Sarajevo, Reisa Džemaludina Čauševića 1



Na A Listi lijekova Kantona Sarajevo uvrštena su dva lijeka iz grupe „M01A Nesteroidni antiinflamatorni i antireumatski lijekovi“ i to lijek ibuprofen oralna suspenzija 100mg/5 ml koji se može koristiti i za snižavanje tjelesne temperature i liječenje drugih bolnih stanja kod djece uzrasta do 12 godina, kao i lijek diklofenak čepići 12,5 mg za djecu u dobi 1-12 godina, u dozi i 2-3 mg/kg/dan.

Obavještavamo cijenjenu zastupnicu da je Agencija za lijekove i medicinska sredstva BIH, sve lijekove iz grupe „N02B Ostali analgetici i antipiretici“ registrovala sa režimom propisivanja i izdavanja bez ljekarskog recepta „BRp“, što je dodatni razlog da se dostavljena inicijativa ne može uputiti Federalnom ministarstvu zdravstva na nadležno postupanje.

*S poštovanjem,*

**MINISTRICA**

**Prof. dr. sci. med. Amela Sofić**

Pripremila:

Prim.mr. ph. Edina Stević, spec., stručni savjetnik

Kontrolisale:

Prim. mr. Ph. Enisa Salihefendić, spec.pomoćnica

Ministrice

Amra Isić, dipl.iure, Sekretar Ministarstva

DOSTAVLJENO:

1. Naslovu

2. a/a



web: <http://mz.ks.gov.ba>

e-mail: [mz@mz.ks.gov.ba](mailto:mz@mz.ks.gov.ba)

Tel: + 387 (0) 33 562-104,

Fax: + 387 (0) 33 562-243

Sarajevo, Reisa Džemaludina Čauševića 1

